



ՀԱՄԱՏԵՂ ԱՂՈՒԹՔ  
ՀԱՄԱՅՆ ԱՇԽԱՐՀԻ ԽԱՂԱՂՈՒԹՅԱՆ ՀԱՄԱՐ

Սույն թվականի հոկտեմբերի 26—31 օրերին Իտալիայի Ասիլի քաղաքում անցկացվեց խաղաղության համատեղ աղոթք՝ Հոմեական Կաթոլիկ Եկեղեցու քահանայապետ Հովհաննես-Պողոս Բ Պապի նախաձեռնությամբ:

Համատեղ աղոթքին հրավիրված էին աշխարհի բազմաթիվ կրոնների և քրիստոնեական քույր Եկեղեցիների ներկայացուցիչները: Համատեղ աղոթքին, հանուն Հայաստանից Առաքելական Ուղղափառ Եկեղեցու, մասնակցեց Մայր Աթոռի դիվանապետ Տ. Ներսես արքեպ. Պոպպալյանը՝ իրեն ուղեկից ունենալով Իտալիայի հայոց հոգևոր հովիվ Տ. Սարգիս քին. Սարգիսյանին:

Հոկտեմբերի 27-ին Ս. Մարիա Դելի Անջելի տաճարում բախյ, բուռիստ, հինգու, մովսիսական, մուսուլման, շինդո, սիկի, պրոթեստանական, անիսիստ և ամերիկյան հնդկական կրոնների ներկայացուցիչներին և քրիստոնեական քույր Եկեղեցիների պատգամավորներին ողջունեց Սրբազան Պապը:

Սույն օրը Ս. Ռուֆինո Մայր եկեղեցում և Ս. Ֆրանչիսկոսի հրապարակում լավեց բոլոր կրոնների ու ժողովուրդների աղոթքի ձայնը, ողջագուրվեցին բազմազգի և ալյակրոն ներկաները՝ այն գիտակցությամբ և հույսով, որ համամարդկային եղբայրական կապերով կակալի խաղաղ և բարօր կյանքի մի նոր շրջան համայն աշխարհում, կվերանան միջուկային, լազերային և ամեն տեսակի մահաբեր վեներերը, աշխարհի ողջ մարդկու-

թյունը կապրի հաշտ և համերաշխ կյանքով: Կոչ արվեց ուժերը միավորել՝ հասնելու ընդհանուր պինաթափման. «Խաղաղության պայքարի հրամայականը, որ այժմ դրված է յուրաքանչյուր գիտակից մարդու առջև, առավել կարևոր է և գերիվեր մեր կրոնական տարբերություններից: Դա բոլորի համար ընդունելի կյանքի՝ մարդկության գոյության համար պայքարի, լինել-չլինելու հարց է»,—եզրակացրեց Սրբազան Պապը:

Այս եզրակացությունը շատ համահունչ է սույն թվականի հոկտեմբերի 11-ին Ամենայն Հայոց կաթողիկոս Տ. Տ. Կապեն Ա Հայրապետի ԱՊՆ-ի թղթակցի «Ի՛նչ է աշխարհի քրիստոնյաների դերը՝ կանխելու ատոմային պատերազմը» հարցին տված պատասխանին.

«Սպասելի է և անհրաժեշտ, որ աշխարհի բոլոր կրոնական կազմակերպությունները, հատկապես Քրիստոսի անունով գործող Եկեղեցիները, հավատարիմ Ս. Ավետարանի պատգամներին, իրենց սեպուս պարտքը նկատեն աղոթել և մշտապես գործել խաղաղասիրության, մարդասիրական գաղափարի հաղթանակի և ընդհանուր պինաթափման իրականացման համար, այն համույմամբ, որ խաղաղության ճանապարհով հնարավոր պիտի լինի իրագործումը արդարության, ապաստության և համամարդկային եղբայրության իդեալների»:

ԹՂԹԱԿԻՑ

